



書經

上

1206  
仁口  
H



門仁12  
箱1206  
卷4



古文尚書序

漢孔安國



古者伏犧氏之王天下也始畫八卦造書契以代結繩之政由是文籍生焉伏犧神農黃帝之書謂之三墳言大道也少昊顓頊高辛唐虞之書謂之五典言常道也至于夏商周之書雖設教不倫雅誥與義其歸一揆是故歷代寶之以爲大訓八卦之說謂之八索求其義也

九州之志謂之九丘丘聚也言九州所  
有土地所生風氣所宜皆聚此書也春  
秋左氏傳曰楚左史倚相能讀三墳五  
典八索九丘卽謂上世帝王遺書也先  
君孔子生於周末觀史籍之煩文懼覽  
之者不一遂乃定禮樂明舊章刪詩爲  
三百篇約史記而脩春秋讚易道以黜  
八索述職方以除九丘討論墳典斷自

唐虞以下訖于周芟夷煩亂翦截浮辭  
舉其宏綱撮其機要足以垂世立教典  
謨訓誥誓命之文凡百篇所以恢弘至  
道示人主以軌範也帝王之制坦然明  
白可舉而行三千之徒並受其義及秦  
始皇滅先代典籍焚書坑儒天下學士  
逃難解散我先人用藏其家書于屋壁  
漢室龍興開設學校旁求儒雅以闡大

猷濟南伏生年過九十失其本經口以傳授裁二十餘篇以其上古之書謂之尚書百篇之義世莫得聞至魯共王好治宮室壞孔子舊宅以廣其居於壁中得先人所藏古文虞夏商周之書及傳論語孝經皆科斗文字王又升孔子堂聞金石絲竹之音乃不壞宅悉以書還孔氏科斗書廢已久時人無能知者以

所聞伏生之書考論文義定其可知者爲隸古定更以竹簡寫之增多伏生二十五篇伏生又以舜典合於堯典益稷合於臯陶謨盤庚三篇合爲一康王之誥合於顧命復出此篇并序凡五十九篇爲四十六卷其餘錯亂磨滅弗可復知悉上送官藏之書府以待能者承詔爲五十九篇作傳於是遂研精覃思博

考經籍採摭羣言以立訓傳約文申義  
數暢厥旨庶幾有補於將來書序序所  
以爲作者之意昭然義見宜相附近故  
引之各冠其篇首定五十八篇旣畢會  
國有巫蠱事經籍道息用不復以聞傳  
之子孫以貽後代若好古博雅君子與  
我同志亦所不隱也

書集傳序

慶元己未冬先生文公令沉作書集傳  
明年先生歿又十年始克成編總若干  
萬言嗚呼書豈易言哉二帝三王治天  
下之大經大法皆載此書而淺見薄識  
豈足以盡發蘊奧且生於數千載之下  
而欲講明於數千載之前亦已難矣然  
二帝三王之治本於道二帝三王之道

本於心得其心則道與治固可得而言  
矣何者精一執中堯舜禹相授之心法  
也建中建極商湯周武相傳之心法也  
曰德曰仁曰敬曰誠言雖殊而理則一  
無非所以明此心之妙也至於言天則  
嚴其心之所自出言民則謹其心之所  
由施禮樂教化心之發也典章文物心  
之著也家齊國治而天下平心之推也

心之德其盛矣乎二帝三王存此心者  
也夏桀商受亡此心者也太甲成王因  
而存此心者也存則治亡則亂治亂之  
分顧其心之存不存如何耳後世人主  
有志於二帝三王之治不可不求其道  
有志於二帝三王之道不可不求其心  
求心之要舍是書何以哉沉自受讀以  
來沉潛其義參攷衆說融會貫通迺敢

析衷微辭與旨多述舊聞二典禹謨先  
生蓋嘗是正手澤尚新嗚呼惜哉集傳  
本先生所命故凡引用師說不復識別  
四代之書分爲六卷文以時異治以道  
同聖人之心見於書猶化工之妙著於  
物非精深不能識也是傳也於堯舜禹  
湯文武周公之心雖未必能造其微於  
堯舜禹湯文武周公之書因是訓詁亦

可得其指意之大略矣嘉定己巳三月  
旣望武夷蔡沉序



書經篇目

虞書

堯典

舜典

大禹謨

皋陶謨

益稷

夏書

禹貢

甘誓

五子之歌

胤征

商書

湯誓

仲虺之誥

湯誥

伊訓

太甲上

太甲中

太甲下

咸有一德

盤庚上

盤庚中

盤庚下

說命上

說命中

說命下

高宗彤日

西伯戡黎

微子

周書

秦誓上

秦誓中

秦誓下

牧誓

武成

洪範

旅獒

金縢

大誥

微子之命

康誥

酒誥

梓材

召誥

洛誥

多士

無逸

君奭

蔡仲之命

多方

立政

周官

君陳 顧命 康王之誥

畢命 君牙 冏命

呂刑 文侯之命

費誓 秦誓

書經篇目 畢

書經

虞書

堯典

曰若稽古帝堯曰放上勳欽明文思去

安安允恭克讓光被四表格于上下克

明俊德以親九族九族既睦平章百姓

百姓昭明協和萬邦黎民於烏變時雍

乃命羲和欽若昊天曆象日月星辰敬

授人時分命義仲宅嵎隅夷曰暘谷寅  
賓出日平秩東作日中星鳥以殷仲春  
厥民析鳥獸孳字尾申命義叔宅南交  
平秩南訛敬致日永星火以正仲夏厥  
民因鳥獸希革分命和仲宅西曰昧谷  
寅餞納日平秩西成宵中星虛以殷仲  
秋厥民夷鳥獸毛毳筮申命和叔宅朔  
方曰幽都平在朔易日短星昴以正仲

隩於到反  
氄而龍反

宋事也

僞仕限及見也

懷包其四方也

冬厥民隩與鳥獸氄冗毛帝曰咨汝義  
暨和棊三百有又六旬有又六日以閏  
月定四時成歲允釐百工庶績咸熙帝  
曰疇咨若時登庸放上齊曰胤子朱啓  
明帝曰吁嚚訟可乎帝曰疇咨若予采  
驩兜曰都共平工方鳩僇餐功帝曰吁  
靜言庸違象恭滔天帝曰咨四岳湯湯  
傷洪水方割蕩蕩懷山襄陵浩浩滔天

弗符勿反甚不然之辭方命逆命

與遜古通用

否不通

錫與也

下民其咨有能俾乂僉曰於烏鯨哉帝  
曰吁咈哉方命圯族岳曰异異哉  
試可乃已帝曰往欽哉九載績用弗成  
帝曰咨四岳朕在位七十載汝能庸命  
與朕位岳曰否德忝帝位曰明明揚側  
陋師錫帝曰有鰥在下曰虞舜帝曰兪  
予聞如何岳曰瞽子父頑母嚚象傲克  
諧以孝烝烝乂不格姦帝曰我其試哉

女去于時觀厥刑于二女釐降二女于

媯圭汭膚嬪賓于虞帝曰欽哉

### 舜典

曰若稽古帝舜曰重平華協于帝濬浚

哲文明溫恭允塞入玄德升聞乃命以

位慎徽五典五典克從納于百揆百揆

時敘賓于四門四門穆穆納于大麓烈

風雷雨弗迷帝曰格汝舜詢事考言乃

徽美也

格來也

在案也

肆遠也

輯斂也

如同也

言底旨可績三載汝陟帝位舜讓于德  
 弗嗣正月上日受終于文祖在璿旋璣  
 玉衡以齊七政肆類于上帝禋因于六  
 宗望于山川徧于羣神輯五瑞既月乃  
 日覲四岳羣牧班瑞于羣后歲二月東  
 巡守同去下至于岱宗柴望秩于山川肆  
 覲東后協時月正日同律度量衡脩五  
 禮五玉三帛二生一夙費如五器卒乃

復五月南巡守至于南岳如岱禮八月  
 西巡守至于西岳如初十有又一月朔  
 巡守至于北岳如西禮歸格于藝祖用  
 特五載一巡守羣后四朝敷奏以言明  
 試以功車服以庸肇十有二州封十有  
 二山濬川象以典刑流宥五刑鞭作官  
 刑扑作教刑金作贖刑眚下生災肆赦怙  
 終賊刑欽哉欽哉惟刑之恤哉流其工

于幽洲放驩兜于崇山竄三苗于三危  
 殛鯀于羽山四罪而天下咸服二十有  
 又八載帝乃殂落百姓如喪考妣三載  
 四海遏密八音月正元日舜格于文祖  
 詢于四岳闢四門明四目達四聰咨十  
 有又二牧曰食哉惟時柔遠能邇惇德  
 允元而難平任平人蠻夷率服舜曰咨  
 四岳有能奮庸熙帝之載使宅百揆亮

采惠疇僉曰伯禹作司空帝曰兪咨禹  
 汝平水土惟時懋哉禹拜稽起後凡首  
 讓于稷契世暨臯陶遙帝曰兪汝往哉  
 帝曰棄黎民阻饑汝后稷播時百穀帝  
 曰契百姓不親五品不遜汝作司徒敬  
 敷五教在寬帝曰臯陶蠻夷猾夏寇賊  
 姦宄軌汝作士五刑有服五服三就五  
 流有宅五宅三居惟明克允帝曰疇若

予工僉曰垂哉帝曰俞咨垂汝共工垂  
 拜稽首讓于及<sub>殊</sub>折<sub>戕</sub>暨伯與<sub>余</sub>帝曰  
 俞往哉汝諧帝曰疇若予上下草木鳥  
 獸僉曰益哉帝曰俞咨益汝作朕虞益  
 拜稽首讓于朱虎熊羆<sub>皮</sub>帝曰俞往哉  
 汝諧帝曰咨四岳有能典朕三禮僉曰  
 伯夷帝曰俞咨伯汝作秩宗夙夜惟寅  
 直哉惟清伯拜稽首讓于夔<sub>遠</sub>龍帝曰

俞往欽哉帝曰夔命汝典樂教胄子直  
 而溫寬而栗剛而無虐簡而無傲詩言  
 志歌永言聲依永律和聲八音克諧無  
 相奪倫神人以和夔曰於予擊石拊<sub>撫</sub>  
 石百獸率舞帝曰龍朕<sub>即</sub>讒說<sub>殄</sub>  
 行<sub>去</sub>震驚朕師命汝作納言夙夜出納  
 朕命惟允帝曰咨汝二十有二人欽哉  
 惟時亮天功三載考績三考黜陟幽明



北如字又言佩

庶績咸熙分北佩三苗舜生三十徵庸  
三十在位五十載陟方乃死

### 大禹謨

曰若稽古大禹曰文命敷于四海祗之  
承于帝曰后克艱厥后臣克艱厥臣政  
乃又黎民敏德帝曰兪允若茲嘉言罔  
攸伏野無遺賢萬邦咸寧稽于衆舍上  
已從人不虐無告不廢困窮惟帝時克

奄盡也

淫過也

咈符勿及逆也

益曰都帝德廣運乃聖乃神乃武乃文  
皇天眷命奄有四海為天下君禹曰惠  
迪吉從逆凶惟影響益曰吁戒哉儆戒  
無虞罔失法度罔遊于逸罔淫于樂洛  
任賢勿貳去上邪勿疑疑謀勿成百志  
惟熙罔違道以干百姓之譽罔咈百姓  
以從己之欲無怠無荒四夷來王禹曰  
於鳥帝念哉德惟善政政在養民水火

種布也

金木土穀惟修正德利用厚生惟和九  
功惟敘九敘惟歌戒之用休董之用威  
勸之以九歌俾勿壞帝曰兪地平天成  
六府三事允治萬世永賴時乃功帝曰  
格汝禹朕宅帝位三十有又三載耄目  
期倦于勤汝惟不怠總朕師禹曰朕德  
罔克民不依臯陶邁種德德乃降黎民  
懷之帝念哉念茲在茲釋茲在茲名言

正政也

茲在茲允出茲在茲惟帝念功帝曰臯  
陶惟茲臣庶罔或于予正汝作士明于  
五刑以弼五教期于予治刑期于無刑  
民協于中時乃功懋哉臯陶曰帝德罔  
愆臨下以簡御衆以寬罰弗及嗣賞延  
于世宥過無大刑故無小罪疑惟輕功  
疑惟重與其殺不辜寧失不經好生之  
德洽于民心茲用不犯于有司帝曰俾

延遠及也

經帝也

懋楙古通用楙盛天  
之意

予從欲以治四方風動惟乃之休帝曰  
來禹洛水儆予成允成功惟汝賢克勤  
于邦克儉于家不自滿假惟汝賢汝惟  
不矜天下莫與汝爭能汝惟不伐天下  
莫與汝爭功予懋乃德嘉乃丕績天之  
曆數在爾躬汝終陟元后人心惟危道  
心惟微惟精惟一允執厥中無稽之言  
勿聽弗詢之謀勿庸可愛非君可畏非

蔽斷也昆後也

習重也

民衆非元后何戴后非衆罔與守邦欽  
哉慎乃有位敬脩其可願四海困窮天  
祿永終惟口出好興戎朕言不再禹曰  
枚卜功臣惟吉之從帝曰禹官占惟先  
蔽志昆命于元龜朕志先定詢謀僉同  
鬼神其依龜筮協從卜不習吉禹拜稽  
首固辭帝曰母惟汝諧正月朔旦受命  
于神宗率百官若帝之初帝曰咨禹惟

時有苗弗率汝徂征禹乃會羣后誓于  
師曰濟濟上有衆咸聽朕命蠢茲有苗  
昏迷不恭侮慢自賢反道敗德君子在  
野小人在位民棄不保天降之咎肆予  
以爾衆士奉辭伐罪爾尚一乃心力其  
克有勲三旬苗民逆命益贊于禹曰惟  
德動天無遠弗届介滿招損謙受益時  
乃天道帝初于歷山往于田日號平泣

于旻天于父母負罪引慝祗之載見現

瞽瞍夔夔齊齊慄瞽亦允若至誠咸感

神矧茲有苗禹拜昌言曰兪班師振旅

帝乃誕敷文德舞干羽于兩階七旬有

苗格タル

臯陶謨

曰若稽古臯陶曰允迪厥德謨明弼諧  
禹曰兪如何臯陶曰都慎厥身修思永

振整也

惇敦敘九族庶明勵翼邇可遠在茲禹  
 拜昌言曰兪臯陶曰都在知人在安民  
 禹曰吁咸若時惟帝其難之知人則哲  
 能官人安民則惠黎民懷之能哲而惠  
 何憂乎驩兜何遷乎有苗何畏乎巧言  
 令色孔壬臯陶曰都亦行去有九德亦  
 言其人有德乃言曰載采采禹曰何臯  
 陶曰寬而栗柔而立愿而恭亂而敬擾

亦總也

載行也采事也

宣明也浚治也

撫順也凝成也

勅正也惇厚也

而毅直而溫簡而廉剛而塞嗇彊而義  
 彰厥有常吉哉日宣三德夙夜浚峻明  
 有家日嚴祗敬六德亮采有邦翕受敷  
 施九德咸事俊乂在官百僚師師百工  
 惟時撫于五辰庶績其凝無教逸欲有  
 邦兢兢業業一日二日萬幾無曠庶官  
 天工人其代之天敘有典勅我五典五  
 惇哉天秩有禮自我五禮有庸哉同寅

協恭和衷哉天命有德五服五章哉天  
討有罪五刑五用哉政事懋哉懋哉天  
聰明自我民聰明天明自我民明威  
達于上下敬哉有土皐陶曰朕言惠可  
底紙行禹曰兪乃言底可績皐陶曰予  
未有知思曰讀作贊贊襄哉

益稷

帝曰來禹汝亦昌言禹拜曰都帝予何

塾都念反

言予思日孜孜皐陶曰吁如何禹曰洪  
水滔天浩浩懷山襄陵下民昏墊玷予  
乘四載隨山刊木暨益奏庶鮮食予決  
九川距四海濬犬澮噲距川暨稷播  
奏庶艱食鮮食懋遷有無化居烝民乃  
粒萬邦作乂皐陶曰兪師汝昌言禹曰  
都帝慎乃在位帝曰兪禹曰安汝止惟  
幾惟康其弼直惟動丕應後志以昭受

上帝天其申命用休帝曰吁臣哉鄰哉  
鄰哉臣哉禹曰兪帝曰臣作朕股肱耳  
目予欲左佐右有民汝翼予欲宣力四  
方汝爲予欲觀古人之象日月星辰山  
龍華蟲作會宗彝藻火粉米黼黻絺蚩  
繡以五采彰施于五色作服汝明予欲  
聞六律五聲八音在治忽以出吹納五  
言汝聽予違汝弼汝無面從退有後言

共同也

欽四鄰庶頑讒說若不在時侯以明之  
捷以記之書用識志哉欲並生哉工以  
納言時而賜揚之格則承之庸之否則  
威之禹曰兪哉帝光天之下至于海隅  
蒼生萬邦黎獻共惟帝臣惟帝時舉敷  
納以言明庶以功車服以庸誰敢不讓  
敢不敬應帝不時敷同日奏罔功無若  
丹朱傲惟慢遊是好去傲虐是作罔晝

夜額額額罔水行舟芻淫于家用殄  
 厥世予創若時娶于塗山辛壬癸甲啓  
 呱呱孤而泣予弗子惟荒度入土功粥  
 成五服至于五千州十有二師外薄四  
 海咸建五長上各迪有功苗頑弗即工  
 帝其念哉帝曰迪朕德時乃功惟叙臯  
 陶方祗 厥敘方施象刑惟明夔曰憂  
 擊鳴球搏搏拊撫琴瑟以詠祖考來

格虞賓在位羣后德讓下管鼗桃鼓合  
 止祝 敵語笙鏞以間去鳥獸蹌蹌鏘  
 簫韶九成鳳凰來儀夔曰於予擊石拊  
 石百獸率舞庶尹允諧帝庸作歌曰勅  
 天之命惟時惟幾乃歌曰股肱喜哉元  
 首起哉百工熙哉臯陶拜手稽首颺言  
 曰念哉率作興事慎乃憲欽哉屢省乃  
 成欽哉乃賡載歌曰元首明叶哉股肱

賡續也載成也



良哉庶事康哉又歌曰元首叢脞挫哉  
股肱隋哉萬事墮哉帝拜曰兪往欽哉

夏書

禹貢

禹敷土隨山刊木奠高山大川冀州既  
載壺口治平梁及岐既修太原至于岳  
陽覃潭懷底績至于衡漳厥土惟白壤  
厥賦惟上上錯並同厥田惟中中恆衛既

敷分也

壤無塊曰壤

從大陸既作島倒夷衣服夾挾右碣竭  
石入于河濟上河惟兗州九河既道雷  
夏既澤灘邕沮疽會同桑土既蠶是降

澤水之鐘也

墳土脈墳起也  
繇茂也

丘宅土厥土黑墳並上後厥草惟繇由厥  
木惟條厥田惟中下厥賦貞作十有三  
載上乃同厥貢漆絲厥篚織文浮于濟  
漑合他達于河海岱惟青州嶠夷既略灘  
淄其道厥土白墳海濱廣斥厥田惟上

漑他合反

畎谷也

豬水蓄而復流也

直賦也黏泥如脂之賦也

下厥賦中上厥貢鹽絺海物惟錯岱畎

絲臬徒鉛綠松怪石萊夷作牧厥篚檠

奄絲浮于汶問達于濟上海岱及淮惟

徐州淮沂其乂蒙羽其藝大野既豬東

原底平厥土赤埴去墳草木漸包厥田

惟上中厥賦中中厥貢惟土五色羽畎

夏上翟秋嶧亦陽孤桐泗濱浮磬淮夷

蠙賓珠暨魚厥篚玄纈 縞浮于淮泗

達于河淮海惟揚州彭蠡既豬陽鳥攸

居三江既入震澤底定篠小簋蕩既敷

厥草惟夭平厥木惟喬厥土惟塗泥厥

田惟下下厥賦下上字如上錯厥貢惟

金三品瑤琨昆篠簋齒革羽毛惟木島

夷卉服厥篚織貝厥包橘柚又錫貢浴

于江海達于淮泗荊及衡陽惟荊州江

漢朝宗于海九江孔殷沱潛既道雲土

浴順水而下也

殷正也

塩音盧黑而疏  
者謂之

夢作又厥土惟塗泥厥田惟下中厥賦  
上下厥貢羽毛齒革惟金三品柁看幹  
栝适柏礪砥砮奴丹惟箇窘輅路楛戶  
三邦底貢厥名包匭軌菁精茅厥篚玄  
纁璣組九江納錫大龜浮于江沱潛漢  
逾于洛至于南河荆河惟豫州伊洛瀍  
廙澗既入于河滎滎波既豬導荷哥澤  
被孟豬厥土惟壤下土墳壚盧厥田惟

亂絕河而渡曰亂

屬連屬也

中上厥賦錯上中厥貢漆臬締紵厥篚  
織纊曠錫貢磬錯浮于洛達于河華去  
陽黑水惟梁州岷嶓嶓既藝沱潛既道  
蔡蒙旅平和夷底績厥土青黎厥田惟  
下上厥賦下中三錯厥貢璆求鐵銀鏤  
漏砮磬熊羆皮狐狸織皮西傾因桓是  
來浮于潛逾于沔免入于渭亂于河黑  
水西河惟雍州弱水既西涇屬燭渭汭

芮漆沮疽既從澧風水攸同荆岐既旅

終南惇物至于鳥鼠原隰習底績至于

豬野三危既宅三苗丕敘厥土惟黃壤

厥田惟上上厥賦中下厥貢惟球琳琅

玕浮于積石至于龍門西河會于渭汭

織皮岷嶓析支渠搜西戎卽叙導岍牽

及岐至于荆山逾于河壺口雷首至于

太岳底砥柱析城至于王屋太行杭恆

山至于碣石入于海西傾朱圉語鳥鼠

至于太華去熊耳外方桐柏至于陪尾

導嶓冢至于荆山內方至于大別岷山

之陽至于衡山過九江至于敷淺原導

弱水至于合黎餘波入于流沙導黑水

至于三危入于南海導河積石至于龍

門南至于華陰東至于底柱又東至于

孟津東過洛汭至于大伾石北過洛降

匯廻也

水至于大陸又北播為九河同為逆河  
入于海嶓冢導漾東流為漢又東為滄  
浪即之水過三澨楚至于大別南入于  
江東匯會澤為彭蠡東為北江入于海  
岷山導江東別為沱又東至于澧禮過  
九江至于東陵東迤以北會為匯東為  
中江入于海道流音克水東流為濟上入  
于河溢為滎東出于陶丘北又東至于

隩隈也

陂障也

則品節之也

荷哥又東北會于汶問又北東入于海  
導淮自桐柏東會于泗沂東入于海導  
渭自鳥鼠同穴東會于澧又東會于涇  
又東過漆沮入于河導洛自熊耳東北  
會于澗瀍又東會于伊又東北入于河  
九州攸同四隩郁既宅九山刊旅九川  
滌源九澤既陂四海會同六府孔修  
庶土交正底慎財賦咸則三壤成賦中

距違也

銍陟粟反

結二反

蔡音煞放也

漸漬也

錫與師錫之  
錫同

勦子少反

攻治也

戮殺也  
斃子也

邦錫土姓祗之台怡德先不距朕行去

五百里甸服百里賦納總二百里納銍

只三百里納秸吉服四百里粟五百里

米五百里侯服百里采二百里男邦三

百里諸侯五百里綏服三百里揆文教

二百里奮武衛五百里要服三百里夷

二百里蔡煞五百里蠻服三百里蠻二

百里流東漸尖于海西被于流沙朔南

暨聲教訖于四海禹錫玄圭告厥成功

甘誓

大戰于甘乃召六卿王曰嗟六事之人

予誓告汝有扈戶氏威侮五行怠棄三

正天用勦上焦絕其命今予惟恭行天之

罰左不攻于左汝不恭命右不攻于右

汝不恭命御非其馬之正汝不恭命用

命賞于祖不用命戮于社予則斃汝

五子之歌

太康尸位以逸豫滅厥德黎民咸貳乃  
盤遊無度畋田于有洛之表十旬弗反  
有窮后羿因民弗忍距于河厥弟五人  
御其母以從奚于洛之汭芮五子咸  
怨述大禹之戒以作歌其一曰皇祖有  
訓民可近不可下民惟邦本本固邦寧  
予視天下愚夫愚婦一能勝予一人三

失然豈在明不見現是圖予臨兆民凜  
乎若朽索之馭六馬為人上者奈何不  
敬其二曰訓有之內作色荒外作禽荒  
甘酒嗜音峻宇雕墻有一於此未或不  
亡其三曰惟彼陶唐有此冀方今失厥  
道亂其紀綱乃底紙滅亡其四曰明明  
我祖萬邦之君有典有則貽厥子孫關  
石和鈞王府則有荒隆厥緒覆宗絕祀

峻高大也雕繪飾也

關通也  
石百二十斤

其五曰嗚呼曷歸予懷之悲萬姓仇予  
予將疇依鬱陶乎予心顏厚有忸六女怩  
弗慎厥德雖悔可追

### 胤征

惟仲康肇位四海胤侯命掌六師羲和  
廢厥職酒荒于厥邑胤后承王命徂征  
告于衆曰嗟予有衆聖有謨訓明徵定  
係先王克謹天戒臣人克有常憲百官

修輔厥后惟明明每歲孟春道慈秋人

以木鐸徇于路官師相規工執藝事以

諫其或不恭邦有常刑惟時羲和顛覆

厥德沈亂于酒畔官離次俶觸擾天紀

遐棄厥司乃季秋月朔辰弗集于房瞽

奏鼓嗇夫馳庶人走羲和尸厥官罔聞

知昏迷于天象以干先王之誅政典曰

先時者殺無赦不及時者殺無赦今予

規正也

集輯通



以爾有衆奉將天罰爾衆士同力王室  
尚弼予欽承天子威命火炎崐岡玉石  
俱焚天吏逸德烈于猛火熾厥渠魁脅  
從罔治舊染汚俗咸與惟新嗚呼威克  
厥愛允濟愛克厥威允罔功其爾衆士  
懋戒哉

商書

湯誓

格王也

王曰格爾衆庶悉聽朕言非台並怡後小  
子敢行稱亂有夏多罪天命殛之今爾  
有衆汝曰我后不恤我衆舍上我稽事  
而割正夏予惟聞汝衆言夏氏有罪予  
畏上帝不敢不正今汝其曰夏罪其如  
台夏王率遏衆力率割夏邑有衆率怠  
弗協曰時日曷喪去予及汝皆亡夏德  
若茲今朕必往爾尚輔予一人致天之

過絕也

賚與也

罰予其大賚汝爾無不信朕不食言爾  
不從誓言予則孥戮汝罔有攸赦

仲虺之誥

成湯放桀于南巢惟有慙德曰予恐來  
世以台為口實仲虺乃作誥曰嗚呼惟  
天生民有欲無主乃亂惟天生聰明時  
又有夏昏德民墜塗炭天乃錫王勇智  
表正萬邦纘禹舊服茲率厥典奉若天

破示多也

紀早復及

殖聚也

命夏王有罪矯誣上天以布命于下帝  
用不臧式商受命用爽厥師簡賢附勢  
寔繁有徒肇我邦于有夏若苗之有莠  
誘若粟之有秕比小大戰戰罔不懼干  
非辜矧予之德言足聽聞惟王不邇聲  
色不殖貨利德懋懋官功懋懋賞用人  
惟已改過不吝克寬克仁彰信兆民乃  
葛伯仇餉初征自葛東征西夷怨南征

書上 湯誓

三十四

侮傷也

北狄怨曰奚獨後予攸徂之民室家相  
慶曰後予后后来其蘇民之戴商厥  
惟舊哉佑賢輔德顯忠遂良兼弱攻昧  
取亂侮亡推平退亡固存邦乃其昌德日  
新萬邦惟懷志自滿九族乃離王懋昭  
大德建中于民以義制事以禮制心垂  
裕後昆予聞曰能自得師者王謂人莫  
己若者亡好問則裕自用則小嗚呼慎  
厥終惟其始殖有禮覆昏暴欽崇天道  
永保天命

湯誥

王歸自克夏至于亳誕告萬方王曰嗟  
爾萬方有衆明聽予一人誥惟皇上帝  
降衷于下民若有恆性克綏厥猷惟后  
夏王滅德作威以敷虐于爾萬方百姓  
爾萬方百姓懼離其凶害弗忍荼徒毒

韋遂也

責彼義文之著也

愾他刀友

並告無辜于上下神祇其天道福善禍淫降災于夏以彰厥罪肆台小子將天命明威不敢赦敢用玄牡敢昭告于上天神后請罪有夏聿入于求元聖與之戮力以與爾有衆請命上天孚佑下民罪人黜伏天命弗僭責閉若草木兆民允殖俾予一人輯寧爾邦家茲朕未知獲戾于上下慄慄危懼若將隕于深淵凡

我造邦無從匪彝無卽愾叨淫各守爾典以承天休爾有善朕弗敢蔽罪當朕躬弗敢自赦惟簡在上帝之心其爾萬方有罪在予一人予一人有罪無以爾萬方嗚呼尚克時忱乃亦有終

伊訓

惟元祀十有一月乙丑伊尹祠于先王奉嗣王祇見現厥祖侯甸羣后咸在百

官總己以聽冢宰伊尹乃明言烈祖之  
成德以訓于王曰嗚呼古有夏先后方  
懋厥德罔有天災山川鬼神亦莫不寧  
暨鳥獸魚鼈咸若于其子孫弗率皇天  
降災假手于我有命造攻自鳴條朕哉  
自毫惟我商王布昭聖武代虐以寬兆  
民允懷今王嗣厥德罔不在初立愛惟  
親立敬惟長始于家邦終于四海嗚呼

先王肇修人紀從諫弗咈先民時若居  
上克明為下克忠與人不求備檢身若  
不及以至于有萬邦茲惟艱哉敷求哲  
人俾輔于爾後嗣制官刑儆于有位曰  
敢有恆舞于宮酣歌于室時謂巫風敢  
有殉于貨色恆于遊畋田時謂淫風敢  
有侮聖言逆忠直遠去耆德比去頑童  
時謂亂風惟茲三風十愆卿士有一于

書一 伊尹

身家必喪邦君有一于身國必亡臣下  
不匡其刑墨具訓于蒙士嗚呼嗣王祇  
厥身念哉聖謨洋洋嘉言孔彰惟上帝  
不常作善降之百祥作不善降之百殃  
爾惟德罔小萬邦惟慶爾惟不德罔大  
墜厥宗

大甲上

惟嗣王不惠于阿反於何衡伊尹作書曰

先王顧諟天之明命以承上下神祇社  
稷宗廟罔不祇肅天監厥德用集大命  
撫綏萬方惟尹躬克左右厥辟璧下同宅  
師肆嗣王丕承基緒惟尹躬先見于西  
邑夏自周有終相亦惟終其後嗣王罔  
克有終相亦罔終嗣王戒哉祇爾厥辟  
辟不辟忝厥祖王惟庸罔念聞伊尹乃  
言曰先王昧爽丕顯坐以待旦旁求俊

周忠信也

庸常也

彥啓迪後人無越厥命以自覆慎乃儉  
德惟懷永圖若虞機張往省上星括于度  
則釋欽厥止率乃祖攸行惟朕以懌萬  
世有辭王未克變伊尹曰茲乃不義習  
與性成予弗狎于弗順營于桐宮密邇  
先王其訓無俾世迷王徂桐宮居憂克  
終允德

太甲中

惟三祀十有又二月朔伊尹以冕服奉  
嗣王歸于亳作書曰民非后罔克胥匡  
以生后非民罔以辟璧四方皇天眷佑  
有商俾嗣王克終厥德實萬世無疆之  
休王拜手稽首曰予小子不明于德自  
底不類欲敗度縱敗禮以速戾于厥躬  
天作孽猶可違自作孽不可逭活既往  
背師保之訓弗克于厥初尚賴匡救之

德圖惟厥終伊尹拜手稽首曰修厥身  
允德協于下惟明后先王子惠困窮民  
服厥命罔有不悅並其有邦厥鄰乃曰  
徯我后后來無罰王懋乃德視乃烈祖  
無時豫怠奉先思孝接下思恭視遠惟  
明聽德惟聰朕承王之休無斃

太甲下

伊尹申誥于王曰嗚呼惟天無親克敬

惟親民罔常懷懷于有仁鬼神無常享  
享于克誠天位艱哉德惟治否上德亂  
與治同道罔不興與亂同事罔不亡終  
始慎厥與惟明明后先王惟時懋敬厥  
德克配上帝今王嗣有令緒尚監茲哉  
若升高必自下若陟遐必自邇無輕民  
事惟難無安厥位惟危慎終于始有言  
逆于汝心必求諸道有言遜于汝志必



求諸非道嗚呼弗慮胡獲弗爲胡成一  
人元良萬邦以貞君罔以辯言亂舊政  
臣罔以寵利居成功邦其永孚于休

咸有一德

伊尹既復政厥辟璧將告歸乃陳戒于  
德曰嗚呼天難忱謀命靡常常厥德係  
厥位厥德靡常九有以亡夏王弗克庸  
德慢神虐民皇天弗保監于萬方啓迪

有命眷求一德俾作神主惟尹躬暨湯  
咸有一德克享天心受天明命以有九  
有之師爰革夏正非天私我有商惟天  
佑于一德非商求于下民惟民歸于一  
德德惟一動罔不吉德二三動罔不凶  
惟吉凶不僭在人惟天降災祥在德今  
嗣王新服厥命惟新厥德終始惟一時  
乃日新任官惟賢才左右惟其人臣爲

書上  
去下並同  
上為德為下為民其難其慎惟和

惟一德無常師主善為師善無常主協  
于克一俾萬姓咸曰大哉王言又曰一  
哉王心克綏先王之祿永底旨烝民之  
生嗚呼七世之廟可以觀德萬夫之長  
可以觀政后非民罔使民非后罔事無  
自廣以狹人匹夫匹婦不獲自盡民主  
罔與成厥功

烝衆也

無母同

盤庚上

籲音喻呼也

劉殺也

服事也

顛仆也

盤庚遷于殷民不適有居率籲喻衆感  
出矢言曰我王來既爰宅于茲重我民  
無盡劉不能胥匡以生卜稽曰其如台  
怡先王有服恪謹天命茲猶不常寧不  
常厥邑于今五邦今不承于古罔知天  
之斷命矧曰其克從先王之烈若顛木  
之有由蘖孽天其永我命于茲新邑紹

箴規也

朝

復先王之**大業底** 綏**四方盤庚**效  
于民由乃在位以常舊服正法度曰無  
或敢伏小人之攸箴王命衆悉至于庭  
王若曰格汝衆予告汝訓汝猷黜乃心  
無敖從康古我先王亦惟圖任舊人共  
政王播告之修不匿厥指王用不欽罔  
有逸言民用丕變今汝聒聒起信險膚  
予弗知乃所訟非予自荒茲德惟汝含

荒廢也

逸過失也

德不惕予一人予若觀火予亦拙謀作  
乃逸若網在綱有條而不紊若農服田  
力穡乃亦有秋汝克黜乃心施實德于  
民至于婚友丕乃敢大言汝有積德乃  
不畏戎毒于遠邇惰農自安不昏敏作  
勞不服田畝越其罔有黍稷汝不和吉  
言于百姓惟汝自生毒乃敗禍姦宄以  
自災于厥身乃既先惡于民乃奉其恫

民言敏強也

同音迫痛也

通 汝悔身何及相時儉思廉民猶胥顧

于箴言其發有逸口矧予制乃短長之

命汝曷弗告朕而胥動以浮言恐沈于

眾若火之燎于原不可嚮邇其猶可撲

滅則惟爾眾自作弗靖非予有咎遲任

王有言曰人惟求舊器非求舊惟新古

我先王暨乃祖乃父胥及逸勤予敢動

用非罰世選爾勞予不掩爾善茲予大

享于先王爾祖其從與去享之作福作

災予亦不敢動用非德予告汝于難若

射之有志汝無侮老成人無弱孤有幼

各長于厥居勉出乃力聽予一人之作

猷無有遠邇用罪伐厥死用德彰厥善

邦之臧惟汝眾邦之不臧惟予一人有

佚罰凡爾眾其惟致告自今至于後日

各恭爾事齊乃位度乃口罰及爾身弗

可悔

盤庚中

盤庚作惟涉河以民遷乃話民之弗率  
誕告用亶其有衆咸造慥勿褻在王庭  
盤庚乃登進厥民曰明聽朕言無荒失  
朕命嗚呼古我前后罔不惟民之承係  
后胥感鮮上以不浮于天時殷降大虐  
先王不懷厥攸作視民利用遷汝曷弗

浮勝也

念我古后之聞承汝俾汝惟喜康其非  
汝有咎比去于罰予若籲喻懷茲新邑  
亦惟汝故以丕從厥志今予將試以汝  
遷安定厥邦汝不憂朕心之攸困乃咸  
大不宣乃心欽念以忱謹動予一人爾  
惟自鞠自苦若乘平舟汝弗濟臭厥載  
去爾忱不屬燭惟胥以沈不其或稽自  
怒曷瘳抽汝不謀長以思乃災汝誕勸

羞美也

山宗大也

憂今其有今罔後汝何生在上今予命  
汝一無起穢以自臭恐人倚乃身迂乃  
心予迓續乃命于天予豈汝威用奉畜  
蓄汝衆予念我先神后之勞爾先予丕  
克羞爾用懷爾然失于政陳于茲高后  
丕乃崇降罪疾曰曷虐朕民汝萬民乃  
不生暨予一人猷同心先后不降與  
汝罪疾曰曷不暨朕幼孫有比去故有

爽失也

爽德自上其罰汝汝罔能迪古我先后  
既勞乃祖乃父汝共作我畜民汝有戕  
墻則在乃心我先后綏乃祖乃父乃祖  
乃父乃斷棄汝不救乃死茲予有亂政  
同位具乃貝玉乃祖乃父丕乃告我高  
后曰作丕刑于朕孫迪高后丕乃崇降  
弗祥嗚呼今予告汝不易去永敬大恤  
無胥絕遠汝分猷念以相從各設中于

試用也

乃心乃有不吉不迪顛越不恭暫遇茲  
宥軌我乃劓又殄滅之無遺育無俾易  
種上于茲新邑往哉生生今予將試以  
汝遷永建乃家

盤庚下

盤庚既遷莫厥攸居乃正厥位綏爰有  
衆曰無戲怠懋建大命今予其敷心腹  
腎腸歷告爾百姓于朕志罔罪爾衆爾

盤庚下

無其怒協比去讒言予一人古我先王  
將多于前功適于山用降我凶德嘉績  
于朕邦今我民用蕩析離居罔有定極  
爾謂朕曷震動萬民以遷肆上帝將復  
我高祖之德亂越我家朕及篤敬恭承  
民命用永地于新邑肆予冲人非廢厥  
謀弔的由靈各非敢違卜用宏茲賁閉  
嗚呼邦伯師長百執事之人尚皆隱哉

弔音的至也  
靈善也賁大也

相導也者任也

敢勇也

總聚也  
庸民也式敬也

予其懋簡相爾念敬我衆朕不肩好貨  
敢恭生生鞠人謀人之保居敘欽今我  
既羞告爾于朕志若否上浮罔有弗欽無  
總于貨寶生生自庸式敷民德永肩一  
心

說命上

王宅憂亮陰

讀作梁庵

三祀既免喪其惟弗

言羣臣咸諫于王曰嗚呼知之曰明哲

明哲實作則天子惟君萬邦百官承式

王言惟作命不言臣下罔攸稟令王庸

作書以誥曰以台正于四方台恐德弗

類茲故弗言恭默思道夢帝賚予良弼

其代予言乃審厥象俾以形旁求于天

下說

悅後並同

築傅巖之野惟肖爰立作相

王置諸其左右命之曰朝夕納誨以輔

台德若金用汝作礪

利

若濟巨川用汝

築居也



書上  
說命上  
作舟楫若歲大旱用汝作霖雨啓乃心  
沃朕心若藥弗瞑面眩厥疾弗瘳若跣  
癢弗視地厥足用傷惟暨乃僚罔不同  
心以匡乃辟璧俾率先王迪我高后以  
康兆民嗚呼欽予時命其惟有終說復  
于王曰惟木從繩則正后從諫則聖后  
克聖臣不命其承疇敢不祇之若王之  
休命

說命中

惟說命總百官乃進于王曰嗚呼明王  
奉若天道建邦設都樹后王君公承以  
大夫師長不惟逸豫惟以亂民惟天聰  
明惟聖時憲惟臣欽若惟民從乂惟口  
起羞惟甲冑起戎惟衣裳在笥惟干戈  
省上星厥躬王惟戒茲允茲克明乃罔不  
休惟治亂在庶官官不及私昵惟其能

旨卷服行也

壽罔及惡德惟其賢慮善以動動惟厥  
時有其善喪同去下厥善矜其能喪厥功  
惟事事乃其有備有備無患無啓寵納  
侮無恥過作非惟厥攸居政事惟醇黷  
瀆于祭祀時謂弗欽禮煩則亂事神則  
難王曰旨哉說乃言惟服乃不良于言  
予罔聞于行說拜稽首曰非知之艱行  
之惟艱王忱不艱允協于先王成德惟

說不言有厥咎

說命下

王曰來汝說台小子舊學于甘盤既乃  
遜于荒野入宅于河自河徂亳暨厥終  
罔顯爾惟訓于朕志若作酒醴禮爾惟  
麴蘖泉若作和羹爾惟鹽梅爾交修予  
罔予棄予惟克邁乃訓說曰王人求多  
聞時惟建事學于古訓乃有獲事不師

書上 說命下

風教也

古以克永世匪說攸聞惟學遜志務時  
敏厥修乃來允懷于茲道積于厥躬惟  
敷效學半念終始典于學厥德修罔覺  
監于先王成憲其永無愆惟說式克欽  
承有招俊乂列于庶位王曰嗚呼說四  
海之內咸仰朕德時乃風股肱惟人良  
臣惟聖昔先正保衡作我先王乃曰予  
弗克俾厥后惟堯舜其心愧恥若撻于

帝一夫不獲則曰時予之辜佑我烈祖  
格于皇天爾尚明保予罔俾阿衡專美  
有商惟后非賢不乂惟賢非后不食其  
爾克紹乃辟璧于先王永綏民說拜稽  
首曰敢對揚天子之休命

高宗彤日

高宗彤融日越有雉妬雉祖己曰惟先  
格王正厥事乃訓于王曰惟天監下民

格正也

戡勝也

訖絕也

典厥義降年有永有不永非天天杳民  
民中絕命民有不若德不聽罪天既孚  
命正厥德乃曰其如台嗚呼王司敬民  
罔非天胤典祀無豐于昵匿

西伯戡黎

西伯既戡勦黎祖伊恐奔告于王曰天  
子天既訖我殷命格人元龜罔敢知吉  
非先王不相我後人惟王淫戲用自絕

功事

故天棄我不有康食不虞天性不迪率  
典今我民罔弗欲喪曰天曷不降威大  
命不摯至今王其如台王曰嗚呼我生  
不有命在天祖伊反曰嗚呼乃罪多參  
驂在上乃能責命于天殷之即喪指乃  
功不無戮于爾邦

微子

微子若曰父師少師殷其弗或亂正四

方我祖底 遂陳于上我用沈酗吁句反

于酒用亂敗厥德于下殷罔不小大好

草竊姦宄卿士師師非度凡有辜孤罪

乃罔恆獲小民方興相為敵讐今殷其

淪喪若涉大水其無津涯殷遂喪越至

于今日父師少師我其發出去吹狂吾家

老遜于荒今爾無指告予顛隳 若之

何其基父師若曰王子天毒降災荒殷

邦方興沈酗去虛于酒乃罔畏畏其者

長舊有位人今殷民乃攘穰竊神祇之

犧牲全牲用以容將食無災降監殷民

用又讎斂去名敵讎不怠罪合于一多

瘠罔詔商今其有災我興受其敗商其

淪喪我罔為臣僕詔王子出迪我舊云

刻子王子弗出我乃顛隳自靖人自獻

于先王我不顧行遯

刻言也

四十二

--	--	--	--	--	--	--	--	--	--



